

蘇州府志卷第七十一

名宦四

歷代縣令
僚佐附

吳縣

漢

陸烈

三國吳

呂岱

孟宗

晉

謝詢

沈叔任

宋

蘇州府志

卷七十一

名宦四目錄

陳珉

齊

孔琇之

周洽

傅翹

梁

沈浚

蕭介

陸蒙

沈炯

宋

陳察

張克戩

趙訓之

趙彥真

葉延年

唐璘

黃震

元

張經

明

曾黼

鄭珏

吳永達

吳復

葉錫

聞人馥

雍泰

文貴

陳振

鄭軾

蘇州府志

卷七十一

名宦四目錄

二

鄺璠

孫磐

劉恒

董仁

李禎

胡文靜

楊叔器

蘇祐

朱廷臣

安謙

曹自守

魏體明

傅光宅

馮渠

江桂馥

袁宏道

陳以聞

梁方楷

陳文瑞

牛若麟

國朝

劉滋

張隆

廖冀亨

冉琪

黃建中

衛哲治

唐仲冕

朱樹基

王錫九

錢德承

長洲元和附

唐

岑仲翔

劉尉

滕遂

蘇州府志

卷七十一

名宦四目錄

三

宋

王禹偁

邵飭

劉立言

夏噩

王幾

常安民

虞賓

陸寀

尹機

王彥融

陳資深

朱楚材

何九齡

龔藻

元

元童

馬玉麟

明

宋文敏

張翔

李廣佑

周伯陵

黃子威

王敬

劉幹

邵昕

余金

劉輝

劉珂

李珏

俞集

高第

郭波

蕭景腆

俞憲甫

馬思誠

蘇州府志

卷七十一

名宦四目錄

四

賀府

吳世良

周良臣

陳用賓

李堯民

劉懷恕

陳其志

江盈科

鄧雲霄

祁承燦

韓原善

胡士容

葉成章

李實

國朝

沈思舉

李敬修

李光祚

許治

袁秉義

道光中有元和縣令何士祁沈炳垣皆可入名宦以事實不具故闕

崑山附新

唐

王綱

宋

邊倣

張方平

邱與權

韓正彥

陳郛

梁澤民

張漢之

程沂

蘇州府志

卷七十一

名宦四目錄

五

王綸

李結

謝深甫

葉子強

周承勲

潘友文

巫自脩

王萬樞

陳璧

潘彙征

項公澤

徐聞詩

吳堅

林桂發

元

潘昂霄

王安貞

那懷

姜復昌

八資刺

李羅帖木爾

史文彬

邵肅

費復初

倪奚斯

徐石麟

明

韶護

芮翀

馬文炯

羅永年

金華

鄭達

黃員通

唐素

楊謚

余機

蘇州府志

卷七十一

名宦四目錄

六

紀智

吳祺

方豪

施德禎

尹嗣忠

宋伊

揭夔

石肯構

祝乾壽

彭富

王用章

李三省

劉應龍

呂兆熊

陸應川

聶雲翰

樊玉衡

王時熙

陳祖苞

錢肅樂

萬曰吉

國朝

郭文雄

董正位

仇士俊

高鈐

李世德

王溯維

王士任

趙瑄

許松偕

蔣迪

蔡書紳

唐瀛

張予介

孫耀德

康基田

郝璦

蘇州府志

卷七十一

名宦四目錄

七

王應奎

廖光謨

李鴻瑞

蘇州府志卷第七十一

名宦四

歷代縣令僚屬附

吳縣

漢

陸烈字伯元漢初爲吳令遷豫章都尉既卒吳人思之迎其喪

葬於胥屏亭子孫遂爲吳縣人

唐書宰相世系表舊志此下有郎宗傳今刪

乾隆志曰盧志漢時有元賓以孝廉入三署除倉龍司馬衛尉察尤異遷吳令憲陽春以加惠有鄭僑見思之歌視事二稔民用康寧辟州從事召拜議郎桓帝延熹二年卒碑在兗州姓名缺元賓其字也蓋據殘碑載入然既無姓名不便正列附見於此

三國吳

蘇州府志

卷七十一

名宦四

一

呂岱字定公廣陵海陵人爲郡縣吏避亂南渡孫權統事岱詣幕府出守吳丞權親斷諸縣倉庫及囚繫長丞皆見岱處法應問甚稱權意召署錄事

吳志舊志此下有殷禮傳今刪

孟宗字恭武江夏人後避孫皓字易名仁初爲鹽池司馬遷吳令時皆不得將家之官宗每得時物必以寄母常不先食先是嘉禾六年詔吏在官聞父母喪當須交代故犯者加大辟宗聞母亡犯禁奔赴已而自拘於武昌以聽刑陸遜陳其素行以爲之請權乃減宗一等復使爲官

乾隆志

晉

謝詢河東人元康中爲吳令表爲吳孫堅孫策置守冢人

孫盛晉陽

秋舊志此傳後
有江適傳今刪

沈叔任武康人少有幹質爲高祖太尉參軍吳山陰令治皆有
聲官至益州刺史

宋書沈演之傳此傳舊志或列齊或列宋首皆誤今改正說詳職官志

宋

陳珉潁川人爲吳令善發奸伏境內以爲神明時有北地傅僧
祐高平張祐並以吏才見知宋世言長吏者以三人爲首

宋書

舊志陳珉傳前有王遂之傳今刪

齊

孔琇之山陰人有吏能補吳令有小兒年十歲偷刈鄰家稻一
束琇之付獄治罪或諫之琇之曰十歲便能爲盜長大何所

蘇州府志

卷七十一

名宦四

二

不爲縣中皆整肅

齊書

周洽汝南人歷句容曲阿上虞吳令廉約無私卒於都水使者
無以殯斂吏人爲買棺器

南史

傅翹北地靈州人爲官有能名後爲吳令別建康令孫廉廉因
問曰聞丈人發姦摘伏惠化如神何以至此答曰無他惟勤
而清清則憲綱自行勤則事無不理憲綱行則吏不能欺事
理則物無疑滯欲不理得乎

南史

梁

沈浚字叔源武康人涉學有才幹仕梁歷山陰吳建康三縣並

有能名

南史

蕭介字茂鏡蘭陵人天監十二年轉主客郎出爲吳令甚著聲績湘東王聞介名思其游處表請之普通三年以爲諮議參

軍

梁書舊志此下有卞華傳今刪

陸蒙仕梁爲吳令節操甚高

吳郡志

沈炯字初明武康人少有俊才仕梁爲尙書左戶侍郎出爲吳

令侯景之難吳郡太守袁君正入援建業以炯監郡臺城陷

景將宋子偃據吳興召炯委以書記之任炯辭以疾子偃怒

命斬之以救獲免

南史舊志此下有陳沈君高唐王凝盧東美傳皆以在吳無政績刪

宋

陳察字晦叔建陽考亭人熙寧中進士歷知石城吳二縣通判

蘇州府志

卷七十一

名宦四

三

泉州察在吳時蔡京過之爲書懸榜察卻之不受以此忤京

京當國召命再至察亟引疾致仕入元祐黨籍年九十五而

終

盧志舊志陳察傳前有羅處約徐的傳今刪邊倣傳移崑山

張克戡字德祥開封人第進士大觀時知吳縣吳爲劇邑民喜

爭訟大姓怙勢持官府爲令者踵故抑首務爲不生事幸得

去而已克戡一切裁以法姦猾屏氣使者以狀聞召拜衛尉

丞

宋史

趙訓之字誨道秦悼王五世孫政和二年進士調東平儀曹知

吳縣朱勔怙勢役州縣訓之不爲屈勔嘗執數輩詣縣請治

訓之悉縱之忤勔遂移疾去

宋史

趙彥真字德全宗室子寓會稽舉進士以宣教郎知吳縣時永思陵攢宮事興轉運司調取洞庭青石期會迫促彥真卽日涉湖至其地召工泣諭之於是民趨役不待督責先期告畢使者欲上其勞彥真力辭曰此臣子職也秩滿通判袁州盧志葉延年字公是處州人嘉泰中知吳縣有豪民張姓族數十人皆以虎自名居光福山澤間負固阻險聚仇黨四出侵暴凡三十餘年延年擒實於法邑人德之立祠於瑞光寺盧志唐璘字伯玉古田人嘉定十年舉進士調吳縣尉有殺人於貨挾其舟亡者有司求賊急屠者自告吾兒實殺之兒亦自誣伏璘問舟何在錢何用其辭差互璘疑爲緩之果得賊太湖

蘇州府志

卷七十一

名宦四

四

與舟俱至舉縣感服縣有勢家治圃將鑿渠通舟繆言古有渠常平使者主之璘視乾道故籍則民田也力爭忤使者意移監縣稅璘遂以直聞調端州學教授宋史

黃震字東發慈谿人寶祐四年進士第調吳縣尉吳多豪勢家告私債則以屬尉民多飢凍窘苦死尉卒手震至不受責家告申白提刑孫子秀移文一路禁戢其患民有小爭有司俾尉羅弓矢以捕怨家移牒必曰躬親而吏卒漁獵以困民震又請於知府洪燾自是訟牒無躬親之文縣界有焚人亭爲風雷所壞浮屠規欲復創震白之府謂焚屍者夷狄之法史傳所書仇怨刑戮之酷罪盈惡極乃有焚滅其尸者亦春秋

戰國以來之事古無有也然殺者常刑焚者非法非法之虐且不可施於誅死之罪人況父母骨肉乎傷風敗俗莫此爲甚其亭勿令再置判府程元鳳臆之事竟止府檄攝其縣事及攝長洲華亭皆有聲浙東提舉常平王華甫辟主管帳司文字時錢庚孫守常朱熠守平江吳君擢守嘉興皆倚嬖倖厲民華甫病革強起劾罷三人震贊之也

元

張經字德常金壇人博學通才初任吳縣丞三年以政最陞知縣事仁恕公廉時擾攘之餘繼以凶疫民死者半經焦勞全活百姓感懷擢嘉定州同知

姑蘇志

蘇州府志

卷七十一

名宦四

五

明

曾黼

姑蘇志作觀

蘄州人洪武五年知吳縣以公勤稱縣左右安仁

美政東興西成四坊皆黼建也

姑蘇志

鄭珏福清人第進士拜監察御史洪武二十一年改知吳縣廉

勤能幹吏民畏服

姑蘇志

吳永達臨川人由嚴州照磨擢知吳縣勤慎著聲

姑蘇志

吳復閩縣人由吏員任吳縣主簿宣德九年知府况鍾知其能

奏陞知縣滿三載改知柏鄉陞工部主事侍郎周忱來巡撫

辟爲屬官歷陞本部侍郎尙書

楊循吉吳邑志

葉錫字元圭永嘉人宣德五年進士選庶吉士正統元年知吳

縣以廉謹聞未幾聞母喪去四年復除吳縣政事尤偉十年

舉卓異姦民訐於朝將逮繫吳人羣詣闕頌錫乃令視事如

故抵誣者罪十三年擢寧國知府

姑蘇志載侍講徐理之論曰元圭爲治一本經術先

律已而後齊人惟理之從法之守他無恤也官長承迎之私不行僚吏比周之情不接豪猾欲攘之姦不得行故雖深得細民之心而忌者亦眾或軋之於上怵之於下咻之於旁元圭堅不動至是而循良之效白焉時以爲知言

乾隆志

聞人謫餘姚人天順二年由御史調知吳縣政尙剛果號台風

行姦戢民安卒於官

楊循吉志

雍泰字世隆咸寧人成化五年進士除吳縣知縣太湖漲沒田

千頃泰作隄爲民利稱雍公隄民妾亡去妾父訟其夫密殺

女匿屍湖石下泰詰曰彼密殺汝女汝何以知匿所且此非

蘇州府志

卷七十一

名宦四

六

兩月尸必汝殺他人女冀得賂耳一考而服召爲御史累擢

南京戶部尙書

明史

文貴字天爵遼東廣寧左屯衛人進士成化十一年知吳縣施

政儒雅逃亡盡復賦役平均儲糧六萬石值歲荒賴以賑給

賢舍一新十七年擢御史

楊循吉志

陳振字時起鄞人成化十八年以進士知吳縣持廉鎮靜政清

訟理弘治改元召拜御史歷山東右布政使

王志堅府志稿

鄭軾字式之江西永豐人弘治元年以進士知吳縣蒞政以勤

一歲言民事章十三上又兼攝嘉定縣民服其明斷擢御史

終四川副使

楊循吉志

鄺璠字廷瑞任邱人進士弘治七年知吳縣聰察勤政無績不興久任民和循良稱最十二年陞徽州府同知官至瑞州知府

楊循吉志

孫磐字伯堅定遼中衛人弘治十五年以進士知吳縣秉性亢直以約得民奏最陞戶部主事

楊循吉志

劉恒字以貞吉水人進士正德元年知吳縣甫至增廣學舍二十餘楹以便士子居業於縣治建庫庠版籍中作堂顏曰不易他如泰伯伍胥祠范文正墳廟皆整飭以潔祀事審編徭役差富卹貧時逆瑾用事多額外徵恒善調劑民不爲困四年擢工部主事

牛若麟吳縣志

蘇州府志

卷七十一

名宦四

七

董仁正德四年任主簿居官廉平滿三載陞鄞縣丞攀轅者千計王鏊賦詩美之

牛若麟志

李禎正德五年任角頭巡檢時水荒民飢有司奉朝命勘災多緣爲姦利獨禎領檄散財專及鰥寡民受實惠任滿眾圖像尸祝之

牛若麟志

胡文靜山陰人進士正德六年知吳縣疏通勤敏達於政體八年拜御史官至光祿寺少卿

楊循吉志

楊叔器侯官人進士嘉靖二年知吳縣勤恪有爲宿弊盡革四年召拜御史

楊循吉志

蘇祐字允吉濮州人嘉靖五年以進士知吳縣蒞政三月洞悉

民隱戢暴懲姦風行電擊會計錢穀胥吏莫敢隱蔽毫末百廢具舉脩繕治署學宮務俾永久縣向無志祐禮聘南峰楊循吉創纂選御史官至兵部尙書

文徵明贈序

朱廷臣字敬之海陽人嘉靖十二年以進士知吳縣公清耿介

才復通敏秩滿拜刑科給事中

牛若麟志舊志此下有宋儀望傳今刪

安謙字子光成安人進士嘉靖三十五年知吳縣當倭難後繕

城垣修橋道建楓橋木瀆兩敵樓據險增勝功實不磨祇以

簡傲不能其官

錢允治筆識

曹自守字伯化在平人進士嘉靖三十八年知吳縣時值兵荒復大水自守誓殫心力知吳中吏善舞文首先裁抑不悛者

蘇州府志

卷七十一

名宦四

八

置之法聽訟多勸諭而未嘗窮竟有大犯雖權貴不少假拊卹饑殍散糜施藥身自儉約三年不製一衣不宴一客衙署惟蒼頭一人門不扃筭不鑰廉聲大著自守素知醫客有慮及其家事者自守笑曰吾他日居鄉賣藥足自給何復他求居四年以憂去百姓號呼載道有直抵其家者後吳民往來都下過在平遇醫以驢負藥籠而行視之則自守也民驚拜道左自守復以藥金施之而去服闋拜吏部主事歷員外郎

擢江西提學副使

陳鏐記

魏體明字用晦侯官人進士嘉靖四十四年知吳縣精明強毅在吳四載豪右屏跡勞困獲甦擢刑科給事中歷官四川布

政使

牛若麟志

傅光宅字伯俊聊城人進士萬曆八年以靈寶知縣改知吳縣
慷慨識大體精心吏事案無留牘時有丈量之令閭右里胥
互爲姦詭光宅摘發如神喜接文士暇輒延之談讌善榜書
祠廟剎院廳署多爲題額在任六載召拜御史遷四川提學

副使

牛若麟志

馮渠字仲達

志作達甫

一字汝達萬曆十一年進士本授揚州泰興

令相國蘇州申時行以渠能請銓部遂謂吳令渠鋒稜矯矯
無所畏忌其調吳未至先以書上申相國畧云貴邑卿士大
夫閭下以盛德表率其敢有不軌者乎有之渠敢請一切懲

蘇州府志

卷七十一

名宦四

九

以法無所貸決不敢以身家利害得喪奉行不稱貽執事知
人之累相國省書愕然曰馮令何癡也相國受富人寄田以
避役渠械其寄者役之至撲相國家人吳甚苦白糧舊有贍
田爲覲行者移補他額渠多方復其田

江西新城縣志

江桂馥字爾馨泰寧人萬曆二十年以吏員任吳縣丞不攜家
累性剛守潔聽訟執法雖強禦莫能挽人呼江鐵頭遷太倉

州判官再擢高郵州同知

牛若麟志

袁宏道字中郎公安人萬曆二十年進士選吳縣知縣聽斷敏
決公庭鮮事與士大夫談說詩文以風雅自命已而解官去

起授順天教授以清望累遷稽勲郎中

明史文苑傳

陳以聞字無異麻城人萬曆三十六年以進士知吳縣尊賢禮士嚴絕匪類有治辦聲居二載調無錫縣官至刑部侍郎

牛若

麟志

梁方楷嘗

字缺二

吾蘇署吳縣事一介不取及去官以衣質金治

裝吳人士無不稱之

馮時可滇行紀程元謂署吳縣當在萬曆中

錢思

陳文瑞字應萃同安人天啟五年進士知吳縣按獄持法推情豪貴莫敢撓事上不諂過客騷擾必抑之浚縣治前學宮外各河盡清所占在任五載喜親賢士大夫初爲諸生時受知於周順昌當順昌被逮矢心以報不避艱危及吳民憤擊緹騎幾成大變文瑞苦心調解郡人默受其惠忌者中以計

蘇州府志

卷七十一

名宦四

十

典遂歸不出

牛若麟志

牛若麟字玉書黃岡人天啟進士崇禎十年知吳縣時連歲旱蝗民困飢疫死尸枕籍姦民乘機劫奪若麟請之上官發廩煮糜又市藥延醫以療病者兇徒悉按以法境內始寧又延舉人楊廷樞諸生王煥如等輯成縣志十五年以艱去

乾隆志

國朝

○劉滋字霖蒼任縣人順治十八年進士康熙二十二年知吳縣案牘悉親裁決不假手於人馭下嚴胥役不得售其姦勢要以私干請者持法愈堅催科每改限以寬民力輸納者輻湊先是收銀率委佐貳及書役因有侵盜乾沒滋親收兌積